

書名 廣文選八十二卷 嘉靖
十二年序刊本
撰者 明 劉節 輯
卷 卷七十八
內容分類 集-總集-詩文
索書號 大木-集部-總集類-3
編號 D7920300

卷七十八



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始
有物而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化庶類授之以形稟之以氣色表文采聲有音
律復言方流形品物鼓以雷霆潤以慶雲八風翺翔

天地賦

成公子安

明通議大夫都察院右副都御史大庾劉節廣



江都葛澗校

廣文選卷第七十八

明通議大夫都察院右副都御史大庾劉勣廣

吊文

吊夷齊文

王仲宣

歲旻秋之仲月從王師以南征濟河津而長驅踰芒阜
之崢榮覽首陽於東隅見孤竹之遺靈心於悒而感懷
意惆悵而不平望壇宇而遙吊抑悲古之幽情知養老
之可歸忘除暴之爲世絜已窮以騁志愆聖哲之大倫
忘舊惡而希古退採薇以窮居守聖人之清槩要旣死
而不渝厲清風於貪士立果志於懦夫到于今而見稱
爲作者之表符雖不同於大道今尼父之所譽

吊孟嘗君文

潘安仁

人罔貴賤士無真偽入如歸望賓若企出握秦機入專
齊政右眄而羸強左顧而田競且以造化爲水天地爲
舟樂則齊喜哀則同憂豈區區之國而大邦是謀瓊瓊
之身而名利是求畏首畏尾東奔而囚志撓於木偶命
懸於狐裘

吊賈誼文

庾仲初

中興二十三載余忝守衡南鼓棹三江路次巴陵望君
山而過洞庭涉湘川而觀汨水臨賈生投書之川慨以
永懷矣及造長沙觀其遺象喟然有感乃吊之云

偉哉蘭生而芳玉產而絜陽葩熙水寒松負雪莫邪挺
鏗天驥汗血苟云其儻誰與比傑是以高明倬茂獨發

奇秀道率夫真不議世反與乎若望舒曜景而悼群
矯平者翔鸞拊翼而逸宇宙也飛采洛水播穎山東質

清浮磬聲若孤桐琅琅其璞巖巖其峯信道層正而以
天下爲公方駕逸步不以曲路期通是以張高弦悲聲
激柱落清唱未和而桑濮代作雖有惠音莫過韶獲雖
有騰鱗終仆一壑嗚呼大庭旣邈玄風悠緜皇道不以
智隆上德不以仁顯三五親譽其軌可仰而標霸功雖
逸其塗可翼而闡悲矣先生何命之蹇懷寶如玉而生
運之淺昔咎繇謨虞呂尚歸昌德協充符乃應帝王夷
吾相桓漢登蕭張草廬三顧臭若蘭芳是以道隱則蠖
屈數感則鳳覩若棲不擇木翔非九五雖曰玉折儻才
何補夫心非死灰智必存形形託神川故能全生柰何
蘭膏揚芳漢庭摧景颯風獨喪厥明悠悠太素存亡一

指道來斯通世往斯圮吾哀其生未見其死敢不敬吊
寄之淥水

吊莊周文

稽君道

帝堦王弘遠華池豐屋黃延賢彥圖莊生垂綸之象記
光達辭聘之事畫真人於刻楮之室載退士於進趣之
堂可謂託非其所可吊不可讚也其辭曰

邁矣莊周天縱特放大塊授其生自然資其量器虛神
瀆窮玄極曠人偽俗季貞風既散野無訟屈之聲朝有
爭寵之歎上下相陵長幼失貫於是借玄虛以助溺引
道德以自獎戶詠恬曠之辭家畫老莊之象今王生沈
淪名利身尚帝女連耀三光有出無處池非巖石之溜
宅非茅茨之宇馳屈產於皇衢畫茲象其焉取嗟乎先
生高迹何居生處巖岫之居死寄彫楮之屋託非其所
沒有餘辱悼大道之湮晦遂含悲而吐曲

祭文

祭橋公文

曹孟德

故太尉橋公誕敷明德汎愛博容國念明訓士思令模
靈幽體翳邈哉晞矣吾以幼年逮升堂屋特以頑鄙之
姿爲大君子所納增榮益觀皆由獎助猶仲尼稱不如
顏淵李生之厚嘆賈復士死知己懷此無忘又承從容
約誓之言殂逝之後路有經由不以斗酒隻雞過相沃
酌車過三步腹痛勿恠雖臨時戲笑之言非至親之篤
好胡肯爲此辭乎匪謂靈忿能貽已疾懷舊惟歡念之
悽愴奉命東征屯次鄉里北望貴土乃心陵墓裁致薄



莫公其尚饗

祭墓文

王逸少

維永和十一年三月癸卯朔九日辛亥小子羲之敢告
二尊之靈義之不天夙遭閔凶不蒙過庭之訓母兄鞠
育得漸庶幾遂因人乏蒙國寵榮進無忠孝之節退違
推賢之義每仰詠老氏周任之誠常恐斯亡無日憂及
宗祀豈在微身而已是用寤寐求歎若墜深谷止足之
分定之於今謹以今月吉辰肆筵設席稽顙歸誠告誓
先靈自今之後敢渝此心貪冒苟進是有無尊之心而
不子也子而不子天地所不覆載名教所不得容信誓
之誠有如皦日

祭程氏妹文

陶淵明

維晉義熙三年五月甲辰程氏妹服制再周淵明以少
牢之奠俛而酌之嗚呼哀哉寒往暑來日月寢踈梁塵
委積庭草荒蕪寥寥空室哀哀遺孤肴觴虛奠人逝焉
如誰無兄弟人亦同生嗟我與爾特百常情慈妣早世
時尚孺嬰我年二六爾纔九齡爰從靡識撫髻相成咨
爾令妹有德有操靖恭鮮言聞善則樂能正能和惟友
惟孝行止中閨可象可倣我聞爲善慶自己蹈彼蒼何
偏而不斯報昔在江陵重罹天罰兄弟索居乖隔楚越
伊我與爾百哀是切黯黯高雲蕭蕭冬月白雲掩晨長
風悲節感惟崩號興言泣血尋念平昔觸事未遠書疏
猶存遺孤滿眼如何一往終天不返寂寂高堂何時復
踐藐藐孤女曷依曷恃鞞鞞遊魂誰祀柰何程妹於此



未已死如有知相見蒿里嗚呼哀哉

祭從弟敬遠文

陶淵明

歲在辛亥月惟仲秋旬有九日從弟敬遠卜辰云窆求
寧后土感平生之游處悲一往之不返情惻惻以摧心
淚愍愍而盈眼乃以園果時醪祖其將行嗚呼哀哉於
鑠吾弟有操有槩孝發幼齡有自天愛少思寡欲靡執
靡介後已先人臨財思惠心遺得失情不依世其色能
溫其言則厲樂勝朋高好是文藝遙遙帝鄉爰感竒心
絕粒委務考槃山陰淙淙懸溜曖曖荒林晨採上藥夕
閑素琴曰仁者壽竊獨信之如何斯言徒能見欺年甫
適立奄與世辭長歸蒿里邈無還期惟我與爾匪但親
友父則同生母則從母相及韶齒並罹偏咎斯青實采
斯愛實厚念曠五日同房之歡久無緼福夏渴瓢簞
將以道相開以顏豈不多之忽忘飢寒余嘗學仕纏綿
人事流浪無成懼負素志斂策歸來爾知我意常願攜
手寘彼衆意每意有秋我將其刈與汝偕行舫舟同濟
三宿水濱樂飲川界靜月澄高温風始逝撫杯而言物
久人脆柰何吾弟先我離世事不可尋思亦何極日徂
月流寒暑代息死生異方存亡有域候晨未歸指塗載
陟呱呱遺稚未能正言哀哀嫠人禮儀孔閑庭樹如故
齋宇廓然孰云敬遠何時復還余惟人斯昧茲近情著
龜有吉制我祖行望旒翩翩執筆涕盈神其有知昭余
中誠嗚呼哀哉

自祭文

陶淵明

歲惟丁卯律中無射天寒夜長風氣蕭索陶子將辭逆
旅之館未歸於本宅故人悽其相悲同祖行於今夕羞
以嘉蔬薦以清酌候顏已冥聆音愈漠嗚呼哀哉茫茫
大魂悠悠高旻是生萬物余得爲人自余爲人逢運之
貧簞瓢屢罄絺綌冬陳含歡谷汲行歌負薪翳翳柴門
事我宵晨春秋代謝有務中園載耘載耔廼育廼繁欣
以素牘和以七弦冬曝其日夏濯其泉勤靡餘勞心有
常閒樂天委分以至百年惟此百年夫人愛之懼彼無
成愒日惜時存爲世珍沒亦見思嗟我獨邁曾是異茲
寵非已榮涅豈吾錙粹兀窮廬酣飲賦詩識運知命疇
能固眷余今斯化可以無恨壽涉百齡身慕肥遁從老
得終奚所復戀寒暑逾邁亡既異存外因長來良友肯
本苑外之中野以安其魂省省我行蕭蕭蕭蕭門本苑外

儉笑王孫廓兮已滅慨焉已遐不封不樹日月遂過
貴前譽孰重後歌人生實難死如之何嗚呼哀哉

祭周居士文

謝惠連

維君陶造化之純元侔先哲之遐蹤體無事於高尚蹈
虛素乎中庸不臣天子不事諸侯公辟弗矜王命匪酬
窮歡極樂帶素被裘

祭禹廟文

謹遣左曹掾奉水土之羞敬薦夏帝之靈咨聖繼天載
誕英徽克明克哲知章知微運此宏謨卹彼民憂身勞
五岳形疲九州呱呱弗顧虔虔是欽物貴尺璧我重寸
陰乃錫玄圭以告成功虞數旣改夏德乃隆臨朝總政

巡國觀風淹留稽頌乃徂行宮恭司皇役敬屬暉融神且略薦乃昭其忠

祭虞舜文

顏延年

惟哲化神繼天作聖藏器漁陶致身愛敬是以二妃嬪德九子觀命在麓不迷御衡以正唐歷既終虞道乃光咨堯授禹素阻采堂百齡厭世萬里涉方敬詢故老欽咨聖君職奉西湘虔屬南雲神之聽之匪酒伊萱

祖祭弟文

闔棺窮野啓殯中荒靈影夙滅寢虛張人性運來自秋祖陽蕃蘭落色宿草滋長孰云不痛辭家去鄉爾之于役爰適茲邑上秋告來方春佇立如何不吊吉違凶美六親痛心姻朋告立我雖載奔伊何云及求懷在昔進亡悼存惟兄及弟瞻毋望昆生無榮嫺沒望歸魂人龜吉兆祖視東旋靈轅次露嚴舟在川廓然何及痛矣終天

祭雜墳文

任孝恭

惟爾冥然往代求圓石而無名邈矣遐年討方專而不記封樹漂殄誰別羽商之家墳壟傾迴終迷庚癸之向近創此伽藍寔湏泥九命彼碩人置茲屯邑不謂綸繩所用遂毀牛亭之基鋏錘所侵爰傷馬鬣之勢重使翠幕臨風佳城見日昔靈沼枯骨周王改以衣冠廣武橫尸漢主加其轉櫓輒勒彼山虞覆頽隍於舊趾命茲匠者修反壤於故林還蟻結文文依以坊之勢幸得宜陽大道無變無移宗兆長阡勿迴勿徙庶幽魂遊止踐昔



徑而不疑塗車往還瞻舊轍而猶在

祝文廣

祭告天地群神文

漢光武

皇天上帝后土神祇眷顧降命屬秀黎元為人父母秀不敢當群下百辟不謀同辭咸曰王莽篡位秀發憤興兵破王尋王邑於昆陽誅王郎銅馬於河北平定天下海內蒙恩上當天地之心下為元元所歸識記曰劉秀發兵捕不道卯金修德為天子秀猶固辭至于再至于三群下僉曰皇天大命不可稽留敢不敬承

祭告天地神祇文

漢昭烈

惟建安二十六年四月丙午皇帝備用玄牡昭告皇天上帝后土神祇漢有天下歷數無疆曩者王莽篡竊盜光武皇帝震怒致誅社稷復存今曹操阻兵安忍戮殺我后滔天泯夏罔顧天顯操子不載其凶逆竊居神器群臣將士以為社稷隳廢備宜修之嗣武二祖龔行天罰備雖否德懼忝帝位詢於庶民外及蠻夷君長僉曰天命不可以不答祖業不可以久替四海不可以無主率主式望在備一人備畏天明命又懼漢邦將湮于地謹擇元日與百寮登壇受皇帝璽綬修燔瘞告類于天神惟神嚮祚于漢家未綏四海

廣文選卷第七十八

廣文選卷第七十八